

摘藻堂四庫全書薈要

集部

欽定四庫全書

曾要

集部

秋澗集卷十五

六

詳校官助教臣謝登雋



欽定四庫全書薈要卷一萬六千一百七十一


集部

秋澗集卷十五

元 王惲 撰

七言律詩

蘧大夫廟


苦鞋兩自近關行頗訝先生出處輕道亟卷懷傷喪亂
仕因公養辟尊榮輟車彷彿公門敬寡過依稀聖者清
故國令名喬木老至今君子號鄉名

苦雨吟

禾頭生耳駭輪囷一雨霖靈近數旬蛙出故塘喧鼓吹
蟻連封垤失君臣陰沈便恐陽烏慘飛舞爭看石燕神
寄謝碧雞坊裏客不煩羨釜怨生塵

迎秋

大暑回推酷吏休先聲傳喜到梧楸清商載路歌夷則
白駱前驅候蓐收氣肅袞裳初復辟露清行殿拜凝旒
若論成給功尤著不解詞臣九辨愁

明霽

雷霆威霽雨初迴戰罷昆陽萬馬摧成給歲功真有望
洗清天宇覺重開秋菌出木驚朝暮野水增波阻往來
腰足痺頑欣一散約携藜杖晚登臺

箕子廟

廟在
汲郡

剗剔忠良詫肉林當年愁絕父師心道傳未害奴為辱
俗古方知化獨深上念聖湯思自獻下逢周武是知音
野烟無地尋遺廟空咏芄芃麥秀吟

挽梁防禦邦傑二首

酒船茶竈柳溪烟把臂論交記昔年列郡剖符方再考
銘旌埋玉便終天風纏大樹摧蘇廟雲黯歸魂近赫連
四十三年成底事一杯慟絕九山前

梁侯躍馬英妙年大冠脩劍身頎然閉車過市殊不樂
快意耳後抨驚絃朝吟醉卧石樓上暮歸射虎南山前
聞說三城足遺愛令人空憶使君賢

奉答彥正參議書問

清晨庭鵲喜相呼薄暮敲門得素書地重每愁屯胸臆

人來還喜駐清居
煙開瘴嶺三軍壯
氣壓巴江百戰餘
一檄我知邊報靜
西南爭識漢相如

酒醒聞雪作

呈陳侯

陰雲低壓濕衡茅
暖透衾裯地氣交
縞色漸生明月幌
風聲先到碧筠梢
誰家獵騎長圍去
何處柴門向曉敲
開歲春風兩岐秀
竚看晴浪際農郊

至元四年歲在丁卯
暮春之初陪陳王二郡侯

泛舟清水兼攜妓樂

山園牧野青未了，河抱鄜城勢轉雄。
高會遠為開府設，仙舟還許李膺同。
春光淡沲明歌扇，吹管飄蕭颺遠風。
鄭重使君雙皂蓋，月灘留醉恨匆匆。

風暖溪深夾岸花，緩移蘭棹轉灘沙。
醉停杯酒清歌靜，看弄漁舟白日斜。
誰與浣花徵故事，行觀春物到山家。
沙堤不用雙紅燭，馬首歸時月有牙。

故事太守自正月廿日浣花止

關
路轉無多曲，風軟舟輕恰數人。
汀樹弄晴供望眼，岸花迎笑喜行春。
千年勝賞蘭皋在，五郡謳吟使節新。

多謝惠風吹醉帽惺惺恰及到城闔

寄王總管子初

新築茅堂並水扉柳陰連接到漁磯
平疇綠滿禾方秀高樹涼多露未晞
挾策不干丞相府入山終製芟荷衣
故人好在龍津府書葉飄香文事稀

和節齋言懷詩韻

元龍湖海見平生老我韜鈴未易兵
格物志精先實學救時心切恥虛名
風雲自是龍頭客吟笑空懷壠上耕

袖裏驪珠三百顆每從開宴得晶明

林塘秋晚

躡足烟霄謝俊遊野人高興在林丘
近山欲雨先衣潤秋水增波拍岸流
木葉靜時存復理人心安處即天休
隔溪田父治荒穢斜日疎烟滿樹頭

卜築

塢溪流水抱村斜林杪青山隔岸賒
平日買田惟樂此他時成趣要移家
溪邊種柳眠黃犢竹底開門繞白沙

任使旁人呼漫浪雨蓑無負釣漁槎

送王子初總管奉詔北上

聖代崇儒意匪輕徵車相望半諸生九天雨露思賢相
十載經綸見老成更化有方先定制救時無驗是虛名
烟霄未遂攀鱗志葵藿空懷向日誠

簡寄楊治中文卿

貳車沁水瞻高駕簿領西臺有舊遊邂逅一樽淇上酒
笑談千古庾南樓豐狐闖首藏三穴一鶚盤空健九秋

聞道清源足佳景竹林烟雨夢西州

上史丞相

百揆端歸一相尊中臺潛隱北溟鯤人間桃李淨晴晝
天上風雲擁戟門駕蹇遇知思一顧家山回首惜空奔
幸蒙翦拂長鳴去曾有文章報至恩

題相者訾洞春

野隱東過滄海翁醉吞秋日入心胸神機深探乾坤秘
真氣曾驚戶牖龍驢背老髯掀一笑春風歸路指三峯

昂藏我似賓天鶴夢遶仙盤露影濃

和高麗參政李顯甫

恩波如海際天隅一日京師識老蘇
喜向巖廊瞻漢相疑隨仙仗聽嵩呼
衣冠自是乘槎客文采還驚照垂珠
共羨朝天蒙寵渥三韓秋色滿歸塗

開平夏日言懷

土屋翬燈板榻虛一餅一鉢似僧居
半編翰草從人讀兩鬢霜華向曉梳
客子衾裯殘夢短暑天風物暮秋初

故園松菊荒多少豈不懷歸畏簡書

郊送雲叟公

寶鞍塵土滿香羅因送行臺振玉珂
出郭快於鷹脫鞵歸懷爭奈鷲移窠
夕陽明處亂山淺碧草深時毳帳多
自恨囊錐無利穎青雲臺閣半常何

直中書省

紫禁彤廷尺五天沈沈碧綺鎖秋烟
鳳池波暖鏘鳴珮翰苑才疎愧昔賢
人世好懷能幾度風埃長路已三年

綠陰好在西園樹，辜負移床聽晚蟬。

開平晚歸

七月一日
授翰職

龍首堦邊野草深，秋風灤水動歸心。
百年蓬巷開圭竇，一日恩光照士林。
吟鬢有光浮鏡玉，家書封喜認泥金。
料應曉月簾櫳底，乾鵲飛來報好音。

弔竹

三徑歸來已就荒，更堪庭實嘆云亡。
窓間月出思清影，簾底風來憶細香。
便擬碧鮮留嘯詠，恐應塵滓到膏肓。

未容分斲蒼苔破拄杖敲門有底忙

和龐參軍雲卿詩韻

萬事雲翻總釋然不禁哀樂近中年此身得處便為樂
自斷從今不問天最喜遇知傾底裏譬如食蜜味中邊
吾鄉賴有諸卿在歸隱終期覓魯連

送陳尚書經略成都

暫辭喉舌去籌邊調餉中間別有權拓境要當成筭後
務農思在訓兵先雪山已覺公來重玉壘休誇蜀險偏

東北更看諸葛表春風晴霽錦江煙

太原筆工李子昭許贈予雙筆久不見付作詩

以問之

子昭過晉喜新知雙筆親承遠見遺脫帽一從休老穎
臨池幾負躍蟠螭正煩筠管麕於臂細理毫鬚健作錐
久向夢堂驚五彩貯雲含霧莫來遲

聞諸軍飛渡鄂渚前次建康

節駐長洲已浪傳鐵鉅鎔冷瘴江烟膠船浮海從南遁

潢日行天總北旋牛後舉知非晉祚歷期應訂遇唐年
至元天子如天覆莫遣虛陳坐榻瓊

秋日會牙城白雲樓讌行院使者及嘉定府新

附諸校座中觀西山風雨

望際煙霏濕翠屏雄風先作雨前聲鴻濛氣合先天境
慘淡州迴得意兵涼吹遠隨悲管發壯懷還傍醉吟生
三年畫戟清香地慚愧終童繫越纓

賦西域鸚鵡螺杯

老月淪精射海波珠繩分秀貫神螺鷁斑漬粉垂金薤
鸚啄嫌寒縮翠窠樽出癭藤紋浪異瓢成椰子腹空皤
飲餘疑與溪娘遇一笑相看發浩歌

乙亥夏六月廿四日西城即事馬上望姑山烟

雨濃淡開闔有不可端倪者偶賦是詩以紀其
奇觀云

連山中斷鬱蒼陞全晉蟠紆未了青方訝野煙沈澗壑
忽驅涼吹滿林垆天邊雨脚排銀竹物外仙家列畫屏

疑是姑仙遊八表笑迴龍馭下滄溟

挽翟器之八月十七日清晨夢翟君器之晤言

者良久覺後賦此以悼魂而有靈恐當擊節也

淡癖相看忽四年襟期樗散鄭家虔隸書思入錐刀法
畫品人推具眼禪滿壁滄洲驚絕筆一樽別酒是終天
不須只聽山陽遂日暮懷人已慨然

哭郝內翰奉使

大河東匯杞連城之子南來器宇盈義契重於平昔友

新文公與後來盟苦心問學唐韓愈全節歸來漢子卿
十六年間成底事長編惟見使華名

次楊子英詩韻

十年芸閣想差肩曾侍紅雲尺五天幕府蓮波知幾泛
麟臺勲業浩無邊劍埋古獄終衝斗玉蘊藍田煖自煙
留取胸中疎俊氣他年揮手障汾川

題開封府後堂壁至元十三年被省院檄同開
封尹陳侯試河南儒士四月十九日抵京授館

開封後署相與握手話舊且及包范二公事
業時予耳疾止酒談噱間暮雨大作連明因
述鄙語以奉一笑

使軺南下入京華滿眼交親笑語譁共訝老螭蟠北海
自憐賤子宿南衙關河痛別襟期豁風雨翻空夜氣嘉
負殺清樽三百爵胡床相對看簷花

投宿洧川驛

時病耳

話長不覺道途修馬轉河堤入宋樓時事未容談笑了

故園誰遂去來休一天梅雨方初夏兩耳蟬聲已入秋
最喜此行陪逸駕未妨吾道付滄洲

許昌道中

一雨長途送曉涼陌塵壓盡燕泥香醉歌金縷辭梁苑
笑拍吟肩入潁昌人物銷沈清議在風雲開閤闕
蒼
應憐一片西河水空照行人兩鬢霜

潁封人廟

在宋樓鎮西三里古堤上至元十三年夏四月考試

河南同陳節齋過其廟陳為索賦故有是作

賴封遺廟枕高墉窈窕丹青戶牖空治道得人無國小
孝心錫類與天通當年大隧融融樂此日喬林凜凜風
總道茅焦賈餘勇從容難似片言功

友人喪馬

老驥龐然燕色蒼今春常記遠乘將翻江風雨曾何夢
伏櫪飢寒想備嘗既乏敝帷酬逸德忍令銅鬲葬人腸
玉鞭剪斷春遊興驢背清吟要細償

南陽府試院中作

牙堂瀟洒敞晴疏，薜荔牆深五畝居。
起敬對瞻元凱廟，訂頑欣得鶴山書。
心非道義焉充實，身與乾坤恐自疎。
暮望城闌還一笑，竿頭蚯蚓引鰲魚。

寄李士觀

拚醉清樽洗別顏，我來君往轉淒然。
遙看漢水無三百，不覲清揚已五年。
甕舞未收輸鬼笑，候蟲多足反夔憐。
義襟誰似張京兆，早為吹噓使北旋。

京兆謂張好古時
在襄陽徵理錢穀

等事

南陽北城同陳節齋晚眺

大野東豬楚塞遮清川西鶩抱城斜瓜分鼎峙連三國
地闊天開到一家丞相大名垂宇宙龐公高節動雲霞
千年事往空遺跡立遍殘陽數去鴉

宛葉道中

六合雲蒸一氣霾漫漫長路渴生埃詩從白雨明邊得
人在青山盡處來世路有機難預料劇談供笑不時開

濟時賴有諸君在漢苑秋風愧不才

次宿汝樓韻二首

解却征鞍細履園月明深夜倚危闌
會慳共惜飄零久心遠應憐話語殘
尚友共尋佳樹傳逢辰不戴鷓鴣冠
傾囊擲下驪珠領依舊晶瑩照乘寒

微雲河漢半晴陰夜景蕭森夢化成
山色不隨喬木老月華偏對故人明
鶴緣露警清無寐蛙屬官居重有聲
廊廟只今紛治具正容堅坐看昇平

贈別按察王立夫二首

時在洛陽
試院作

當年畫省憶同襟
此日南來又盍簪
夜雨喜成連榻夢
秋霜尤見故人心
義方外覺紛華遠
話久中傾底裡深
他日買田相約老
兩椽茆屋共雲林

眼中機括審時張
事外論量見直方
白壁不酬金屑壁
烏霜能護豸冠霜
煙花紫禁期推轂
風雨南州夢對床
更就信陵陵上月
一樽分手上河梁

留別節齋公因次嚴韵

雨露乾坤不少私至人出處與同期松筠冰雪有定操
人物江山見一時着手正便捫蝨話看雲難受絡頭絲
平生慕藺公應識秋水長河有令姿

夜宿朝元閣下

禁垣樓觀天中央星斗拱列靈壇蒼月中清露翻碧瓦
殿角冷風搖玉鐺炎歆似殺赤熛怒霧雨漫成玄豹章

時考試儒士
於此故云

長纓土滿未容濯金溝泛曉空蒼涼

挽呂權漕子謙

維至元十年歲癸酉夏六月

闕

日江淮都轉運使幕

官呂公終于私第之正寢享年六十五越明年春二月東平尹信弘毅自衛過晉始知公墓草已宿鳴呼哀哉公諱遜字子謙系出東平望族父松金詞賦進士第官至隰州刺史興定間城陷死節公其次子也為人疎直愷悌樂道人善早歲有賦聲生平喜作詩格律精嚴長於七言近體或有問須盡吐乃已然如法家斷案不絲髮貸問者知所趣居漕府幾十年良

謀默計便公私為多某辱知最厚悼斯文之不幸痛
知己之難遇非歌詩無以攄予衷也乃作是詩告公
墓左魂而有靈鑒茲誠悃其辭曰

凌烟詞氣呂衡州一語神交二十秋漕府議高推獨步
詞壇吟苦入冥搜眼中耆宿有今日地下周馥是舊遊
秋草滿丘新呂道未容車過淚先流

臨武堂宴醉後有懷省臺諸公

桂月流光雪滿臺月明人影兩徘徊行雲不逐歌塵散

往事還隨去鴈哀，雙鬢入秋無可白。
寸心於世未全灰，遙憐紅藥堦前客。
玉樹相依一笑開。

簡寄陳節齋

別來碧海三山客，偶得新詩慰遠情。
晝接夜談懷鄧鄙，風荷煙柳夢都城。
好翻故里三千牘，且按秋風九萬程。
最喜新涼換炎暑，梁王臺上月孤明。

鞠餘望月東臺卽事

崖陴詰屈張煩疴，老樹遺臺悵獨過。
山色滿樓簾影薄。

柳陰橫沼鳥聲多兩河蓄潤開東雍千古秋風動漢歌
誰著梗陽人有獄鬢華尤比向來皤

日用

萬景何能臭味同洪纖強梗貴冲融屹於砥柱標天險
淡似浮雲度太空意或近私隨有礙事因無已即成功
莫將此理求諸遠總在平時日用中

送王丈子壽南下河中

白髮今年八十過故園歸興足蹉跎啓期三樂人爭仰

汲直高風古所多
照眼關河增喜色
過門香火盡行窩
後期望嶽棲岩上
一笑雲烟入浩歌

郝提舉子某至元八年冬見於京師楊氏書院
與之語溫醇有禮愉色粹然意謂奉身周謹篤
於其親者也今年春予官平陽一日介吳君子
明來謁具道郝南還之事相與擊節嘉嘆久之
噫方衰俗頽波中其孝養有如此者孰謂曾閔
之門和樂之氣有時而息邪此心不匱豈特錫

類而已哉故傳曰惟孝友于兄弟施于有政
其是之謂歟喜為賦詩以贈且廣其敬養致
樂之心色難無違之旨云

古稱百行孝為先就養辭榮事更賢戀戀庭闈心向切
依依親眼望來穿蓼莪報德歌周雅令伯陳情感母年
衰俗陵遲有如此見渠福祿日綿綿

白樓晚眺

條山東峙畫屏開樓外長河一線來簷瓦蘸波鴛夢渚

鏡窗空影月臨臺千年事往情如昨滿目春傷恨未裁
更著野花留寶靨女牆隨意點晴苔

洪洞道中送客回有懷子初舍人

親朋零落故人稀白首相望天一涯花底夢歸連夜酒
柳邊情在送行詩賞心歲月能多日人物江山又一時
許國壯心雖未老向人孤抱欲誰知

公堂即事

鴈鷺行趨日出前潭潭槐府靜秋烟漁陽慘急三撾後

簿領山如萬慮旋圖報每虞遺少愧焦勞何敢獨稱賢
更堪清畏堂中夢夜夜歸心到日邊

清畏自榜
寓居堂名

和周錄事感春詩韻

微官休苦日奔忙須信行藏在彼蒼心計自憐嘗越膽
鬢華何計避吳霜暫容巾挂三花樹任使聲喧百鳥場
昨日平湖湖上過綠波如縠要浮觴

夏縣道中

濕雲壓樹際岡平溽暑還因小雨增官事困人如縛虎

秋風吹野夢翻鷹趨時未必儒冠誤並隱端為野鶴憎
遙憶筠溪亭下水萬竿蒼雪照吟燈

題聞喜廟學古栢

世傳清廟聖湯墟老栢環除十六株黛色青煙千古上
石根銅幹百城無虬龍閱世蒼髯磔踈影凌歆冷翠鋪
眄汝自慙詩禮客摩挲三向孔庭趨

送張子文驛送戈甲前赴成都子文雲中人至

元八年冬相識於大都李玄暉南菴

吟君一軸餞行詩西望我眉有所思山險不憂巴道路
雨多防濕漢旌旗雄邊有策堪回奏諭蜀能文正及時
儻見總戎煩告語雪山輕重有謀為

總戎渭彥
清軍帥

寄送朱信卿還吏部

故都喬木已蒼烟

朱翼城人故都謂
翼唐叔故都也

玉樹臨風照眼鮮

暫着印窠封瑞錦要從鞭箠看流錢燕山夜月縈歸思
平水春風夢別筵不得一杯光祖道汾岡回首轉淒然

霍岳道中

郡寮招致遠相過，冒雨乘登荷笠蓑。
比入廟宮三渡水，再尋蘭若重攀蘿。
傍山涼早疑秋近，碎澗溪喧覺雨多。
庭下古碑堪晤語，倚餘筇杖更摩挲。

謂劉神州
修岳洞碑

霍邑懷古

堂堂義幟下并門，六合風雲已併吞。
軟甲不憂三日雨，妖氛唯厭兩都昏。
緬懷戍火城頭語，死愧忠精地下魂。
謂宋老慘淡鑾鈴原上月，至今英氣凜生存。
生也

送周錄事幹臣任滿赴都

青衫白髮老參軍
銀管聊鋪兩考勲
公吏檢身知禮度
兒童爭語說清勤
春官吏選多書最
祖帳東門惜重分
匣劍莫將塵白翳
諫章論草要新文

送漢臣張弟

青青衿珮讀書郎
邂逅姑汾意巨量
老大正深鄉國念
飛翔不負少年場
行沾紅藥堦前露
夢到秋風豸角霜
此去固當強不息
更須人事卜行藏

壽趙祕監輔之時奉使日本回西歸京兆

報國心丹氣益振一帆直徹海東垠三年契濶中朝客
百險歸來萬里身曠古使華清議在照人精彩壽毫新
終當清淺蓬萊水經制金華要老臣

陳季淵挽章三首

至元十年十二月望陳季淵子次翁道出平陽以其
父季淵喪來告且請詩哀挽故勉為賦此

筆頭詩話硬盤空詩自工來老更窮玉斧驚傳修月手
旦評推絕斫雲翁幽穿洞穴愁山鬼壯極秋濤駕颶風

千古杜陵原上月一丘分照渭城東

大駕西巡始拜公從容樽酒兩都同杖歸河朔忠尤壯
詩到秦州氣更雄蓮府晴波奇策在杜陵殘月草堂空
傳家儘慰元龍望湖海諸郎有父風

憶扈龍旂狩蜀年渡江詩並選鋒先江花冷墮波神泣
醉袖來披玉井蓮已訝羽淵淪老月遽教風骨悶重泉
緬懷春草池塘興雨夜分明夢惠連

挽殷僉事獻臣

扶病南來喜盍簪激揚似為失前禽氣衝牙角空餘烈
響絕朱絃得好音一節儘高完壁事百年誰了蓋棺心
醉魂不到黃墟夜夢繞三山碧海深

微恙

蒲團倚煖病維摩春滿晴窓氣未和兀坐暫容心境靜
好懷安得故人過鐵花綉色青萍暗世事栽培白髮多
却喜郡人相說似春風門巷雀堪羅

至元十一年歲在甲戌上巳日會府倅張明卿

治中和爾揚布總判張行甫禊飲於晉源鄉蘭
莊刁氏之醒心亭張侯行甫之子思誠息翁孺
侍讌

禊飲蘭亭不可尋蘭莊山水儘清音楊花糝雪溪流碧
野卉留香竹樹深暫脫帕車三日婦却憐時序百年心
一樽恰趁芳時醉明日池塘是綠陰

次日奉命簽南征
新軍中外騷然者

數月

送郭案牘彥實

東西南北送行頻長路青山輾欲塵蓮府有聲推雅望
柳條無計絆行人綠波未要傷春浦白壁難貯入幕賓
後夜月明川口道夢歸先到晉溪春

洛陽懷古

重城繚繞枕邛腰二水交纏會洛橋勢即土中多漢制
錦園林苑訝隋妖山川開闔悲今昔陵谷更遷失市朝
萬古消沈竟何有總成閒話付漁樵

遊澤州青蓮寺

知州事
皇甫琰

薰風吹雨不沾衣
馬趁清涼入翠微
硤石兩楹天斧斷
好山四面畫屏圍
我來勝地清心地
僧說禪機與教機
剩有文章賢判府
徘徊登眺久忘歸

斜分一逕下林巒
金碧孤稜紫翠間
羣嶺秀攢青茁茁
孤峯突出玉湖山
鑿開一握乾坤小
占斷千年日月閒
浩浩兵塵滿河朔
天風吹不到禪關

和前韵

盤盤石磴轉層巒
寺隱青蓮六葉間
天削斷崖開老硤

雨將空翠繪蒼山偶因戎治終朝畢暫得僧窓半日閒
清曉出山還一笑幾時塵事不相關

覽勝都忘帶葛衣溪風吹雨散霏微霞明殿脚金千界
雲抱山腰玉一圍林壑有靈憐俗駕人心無路息危機
風流幸對文章守安得岩棲不更歸

夜過關嶺山

山行四月似涼秋夜半搖鞭下嶺頭心苦自憐嘗越膽
歌長不用換吳鉤風烟動色開中鎮禾稼連雲際四州

碌碌一官成底事春風歸夢仲宣樓

虞鄉道中

中條如畫色蒼蒼過雨晴嵐帶夕光望入王官饒水竹
路經虞坂足耕桑未容岩桂相招隱自笑微官有底忙
多謝曉風驅暑退笠簷吹作馬頭涼

謁王官谷唐司空表聖祠堂

人去空山草木香撐霆非為漢文章三休方擬遺身累
一債應憐為國亡明月不污黃浪濁清風高並首陽芳

滿斟三詔亭前水拜乞襟靈滌肺腸

慶路伯達八秩之壽

素髮酡顏八十春昇平人物典刑存兩都喬木秋光老
四座春風笑語溫膝下盡歡衣有綵人間無似壽為尊
試從九老圖中看獨覺光榮萃潞門

為鄉人壽

壯年虎穴喜奇探老去幽潛一道龕倚杖看雲追往事
閉門留客了玄談開元氣鬱丹浮頰鬢髮雲如綠滿簪

今歲壽堂春色好一簾空翠撲晴嵐

秋澗集卷十五

欽定四庫全書薈要卷一萬六千一百七十二

集部

秋澗集卷十六

元 王惲 撰

七言律詩

壽總管陳公

當年劍履上星辰
諫草曾蒙帝子恩
天上聲華瞻北斗
人間詩價逼西崑
儘培桃李開春苑
暫遣風雲擁戟門

誰識節齋清白節
西山晴雪照吟樽

一作洛下梅花淇
上竹兩都無地着

春溫

斗間占氣試龍泉兩歲公堂拜壽筵河潤已歌千里遠
化行皆自一身先鈴齋晝掩無私謁坐榻朝懸有敗瓊
愷悌我知神所相隨山喬岳未為堅

黃陂曠度吞秋壑卿月光輝烱士林萬木剗裁無錯節
一生匡弼有丹心行春不識甘棠訟濟早終為傳說霖
萬斛明珠百泉水光風多付壽杯深

清明日拉友生李士觀遊長春宮因謁純真王
鍊師具悟姚左轄商僉院二公高論時至元八

年二月十九日也

鳴珂振轂滿重城
花底春光沸玉笙
放眼壺天如隔世
侍談仙馭勝登瀛
松風韵瑟金鐺靜
竹露光寒鶴夢清
且莫臨行門外去
夕陽正在總真明

總真閣名

送陳按察東還

把臂論交今十年
竭來蕭寺重留連
已驚秋漢盤孤鶚
更愛清吟障百川
桃李春風寒食月
關河行色繞朝鞭
此來論列尤清峻
愈見行身不偶然

追挽省郎王仲蔚

毳幕風翻雪滿床，快書初不減元康。
酒餘綺席冰生頰，事解連環穎脫囊。
青鎖飛翔天已老，白雲迴笑恨應長。
杏花春色鄰牆酒，前日東城是醉鄉。

寒食日韓氏南庄讌集

重城鞍馬壓紅塵，春草池塘發興新。
自擬嘯歌知道在，不分賓主更情親。
青山似喜談時事，白髮空慙滿領巾。
無數向來投轄飲，不應驚座獨陳遵。

贈李濟之修撰

久扈紅雲侍帝輿，襟靈瀟灑氣冲愉。
絲綸有在人非偶，寂寞求音意更殊。
已為斯文鏗木鐸，共驚滄海得遺珠。
何當一片鑿坡月，特聽論思為捋鬚。

簡寄王推官漢臣，令從事彰德幕府表弟韓從
益雲卿自相下來，伏審雅候佳勝，喜慰之餘，謹
以此寄奉，別后一笑也。

燕市分攜已半年，客來首問喜清妍。
便教綠鬢看吟鏡，

儘稱清波泛幕蓮五袴有歌清議裏一方無事曉燈前
西溪未減東湖勝滿意湖山照酒船

和趙明叔言懷

我初識子禹卿筵秋月金盆上碧天翔集栢臺幾二載
稱停文賦每終篇孤忠自信恒多苦萬事安心恐偶然
白髮行年四十五向誰重理伯牙絃

餞陳簽省行臺西夏

鵬搏九萬見扶搖五郡河湟付瘼調版籍輸誠須實守

孤寒收淚拜文饒天開相府宮儀肅方挂崑山節制遙

荒服旬綏談笑事太平勲業在中朝

一作如對軒墀問時事尤宜先為漢

家條

虎落雲間四海家湖山初不外幽遐龍荒要闢朝天道
別淚休驚出塞笳葛亮貴和書有在君魚砥節老彌嘉
多應青礪城頭月無復驚飈漲暮沙

漢家威德際毛蠶芽蘗其中慮阻艱金節遠開丞相府
春光先渡玉門關正煩烟火通青海未用梯航致白環

銀字詔還知不遠好來彈壓紫宸班

五郡河西右臂連懷柔有策得人先文昌除目繫誰在
帝座回章得汝賢才氣似公當重寄睽違多感是中年
黃金臺上西山碧莫厭離觴碎筑絃

勒勒川南磧鹵西荒烟回望隔華夷哥舒開府固英特
老范籌邊貴靖綏漢月流光清朔部陰風無力動牙旗
遙知別後相思夢秋鴈聲中第一詩

張夢卿惠奇石

一峯名秀華蓋故家物也
拊玩不已作詩以寫其真

道人解種僊顏玉分供晴窓思渺然夢去恍為天姥客
潤餘猶帶鬱林烟夏雲翠聳形模怪海日紅蒸腹背鮮
我自愛觀無巨細一卷嵩華墮吾前

考滿日言懷書呈侍講顯軒

三載區區簿領間癡床老坐待循遷封章不到回天筆
躬稼終歸負郭田贏得虛名清議裏儘驚白髮暮愁邊
只應一片金鑾月似向衡門照獨偏

題李鍊師崇聖宮圖姚左丞索賦

滾滾勞生汨世緣
鍊師獨得靜中詮
一篇秋水忘言處
滿眼青山曝背眠
丹井流光傳大藥
玉臺積翠倚中天
方蓬別有凌風鶴
華表歸來又幾年

夏日讌集田氏林亭御史諸公留別

濕雲壓樹罩方塘
雨洒層軒滿臆涼
四海交遊有今夕
一樽情話惜離觴
夢驚紫禁烟花老
醉盡佳人錦瑟香
老子興來情未已
更催銀管按清商

聞丞相史公受開府之拜

并引

昔鄧禹列侯特參大事晉公入覲重領台司故韓愈
拜章稱舊歷三司之貴雲臺圖像獨端居諸將之先
伏惟開府相公佐翊勲高封拜寵數以今視昔前後
畧同養老乞言典常尤異伏自傳聞之審不勝慶幸
之心敢綴荒蕪式申頌禱前監察御史王惲謹頓首
啓上

台鼎春回極寵光初聞歡喜倒衣裳百官禮絕汾陽拜
炎運天開漢道昌義激忠精傾列辟坐調風雨會中央

此心久寄華亭鶴夢繞裴家綠野堂

御史秩滿日效樂天詩體書懷

人微每愧居清要祿厚常憂負素餐
勁翮已輸鷹隼健秋霜空落簡書寒
寸心敢謂行身了世運彌深以理觀
三尺素琴中本靜又施絃索向誰彈

上太保劉公詩

中統二年

閒雲出岫便從龍羽翼高于四皓功
黃石有書開兩漢黑頭無地避三公
金輪散影迷沙界太乙浮光動竹宮

鉞鉢不妨聊爾爾人間桃李滿春風

山人

較來鐘鼎與山林得失何勞拊髀吟
靜對清溪忘俗慮
醉逢漁父是知音
滿梳華髮常年雪
一片閒雲欲雨心
臨水幾堆黃落葉
被風吹去任浮沈

王子行年四十餘
幽潛心似糝中魚
倦談時事便情話
靜盡靈襟信理書
遇酒祇堪知味正
愛吟誰暇計才疎
今冬處置行窩了
種竹溪南有草廬

和郝子貞見贈之什無餞舟行二首

情話滔滔不易量
幾年閒處看人忙
時清共樂林居好
理到能消客氣狂
脫穎我慙成事遂
論詩君乃起予商
布帆無恙秋風裏
一棹烟波去渺茫

山人何苦住山城
老雪堆門幾度平
雅愛雲林無俗態
豈知塵土滿長纓
薄田粗足充饑了
衰俗無依奈物輕
三十年來老知己
此回相送最關情

題韓通甫城南別業

翠竹連村映白沙橫岡細抱一川斜橘林多實長年樂
棣萼留香盡日華雲錦池邊看鴈序秋風門外任蜂衙
自憐獨鶴歸來晚夜夜林丘夢水涯

送子初宗兄出鎮關臺

飛翔方喜遙朝班一表陳情動日邊列郡剖符聊復爾
中年分手倍悽然兩鄉憶望三千里一席親情四十年
明日萱堂壽親處杏花紅點綠楊烟

登臨武堂

吏散公庭百慮衡來登臨武敞高情唐風過陋留遺儉
晉謫移民到健爭千障壺山吟際晚一溝汾水眼中明
悠悠自愧沙鷗雪便道忘機意亦驚

唐山道中早發

時至元九年三月初九日自燕達淇上

沉瀝橫空夜向分行穿林影認前邨夢殘旋逐車聲破
人困時牽馬足奔常笑未容耕隴畝一官隨分報君恩
獨憐三載霜臺月空使流光滿薊門

懷舊詩并序

至元九年二月十四日濟南劉漢卿出示亡友王仲
蔚詩軸三復之餘慨焉盡傷因憶往年在東平時與
仲蔚諸人暮春之初會飲于宿城野務趙媼家凡三
次歌酣盡懼同會者六人明日仲蔚賦詩有楊柳青
旗連坐榻杏花春色過鄰牆之句殊為上軒所賞明
年仲蔚從事濟南幕府予亦西歸淇上自是而後不
復相見秋七月聞仲蔚病疽死歷下忽覩斯作令人
又有短氣者七年之內六客者止存并任與予三人

耳因為賦此以抒梗槩云

遺詩一讀已淒然玉樹臨風墮眼前心擬酒寬終致疾
壽隨中止欲誰愆蜀川寄遠猶如昨伯道無兒更可憐
轉首惠連春草夢月明愁滿宿城煙

辛未歲除夕言懷

此月廿八日尚書省復併入中書省

杯盤草率具餽茶燈燼紅垂夜半花抵掌不憂韓愈鬼
住京空在老坡又素餐御史雖無補畫省除書有底差
新故送迎常歲例春風明日又誰家

大暑

大地洪爐一氣蒸
樓居臺處失高層
庭柯葉靜風來絕
河漢陰斜氣未澄
炎帝戲張千傘火
老懷思抱五湖冰
豁豁瘦瘵無多力
遽爾蒸騰恐未勝

挽王修甫

時客死于燕君有燕都懷古詞
內有恨滿西山秋色之句
至元元年在東平時屢向余道

大梁東郡衛南鄘尊酒論文幾度逢
少日才情驚小杜

中州人物借元龍長歌老驥壺空缺秋色西山恨轉濃
五十五年成底事一丘露草泣吟蛩

奉陪左丞張公尚書李公王學士徒單待制趙
赴禹卿觀稼之會偶得五十六字奉林下一

笑

至元七年
四月三日

韋杜城南尺五天草堂尊酒接歐韓晴雲望遠禾方秀
高樹涼多露未乾臺館不煩題綠野林花時許覆金鞍
因君喚起歸田興夢到西溪舊釣壇

遊玉泉山

山腰一逕轉雲蘿
照眼平湖漲碧波
形勝左蟠遼海遠
風烟還覺玉泉多
自憐俗駕來逋客
急遣清樽發浩歌
笑拂巖花醉歸去
山林鐘鼎兩蹉跎

書懷無簡陳節齋

羞將勲業鏡中看
不為無魚動鉞彈
兩鬢總隨霜簡白
寸心虛傍日華丹
閒中持論談何易
事際操存衆所難
羨煞山東陳按察
龍光高射斗牛寒

題趙宣撫樊川山中雜詠

蒼崖如削靜烟霏中有高人住翠微
夜鶴聽琴依蕙帳曉泉和月落山扉
一龕靜體炎涼理兩眼深明倚伏機
畢竟名高難久卧野猿偷褫芟荷衣

歸潛洞

眼冷朱門鶴蓋陰自開幽洞事幽尋
飄蕭書劍三秦客盤礴風雲萬里心
竹澗度涼便夏永藥窻留暖愛冬深
何時為濯長纓土丹竈茶煙共一林

趙樊川

適安堂上趙樊川擇勝棲心以樂全神武門前拋組綬
終南山下買林泉蘭皋秋遠縈吟思釀甕春香引醉眠
洞口野雲遮已斷不須重上武陵船

適安堂

草堂卜築近清溪擬散襟顏似紫微幽事相關常起早
老懷能遂任時違無心出岫和雲卧有客過門盡醉歸
聞道黃家花滿樹幾回扶杖到斜暉

趙公泉

故侯植杖得新泉
寬鑿方池漲碧瀾
恐泛落花歸別澗
要傳清響入幽彈
竹根漱冷紫林曲
蔬圃澆餘到藥欄
已與山中留故事
一泓難着老螭蟠

未央硯為趙明叔賦

萬瓦垂雲映碧虛
未央雙闕想雄圖
天荒地老千年後
玉潤金堅片月孤
微物偶因題誌重
鉛華留借筆鋒濡
一樽難洗興亡恨
要發幽光賦兩都

至元七年庚午奉陪憲臺諸公闕下賀正口號
盤盤帳殿敞彤廷天仗宵嚴擁萬靈玉筍東班分列辟
龍墀首拜認前星煙蟠鰲柱霑吟袖樂泛仙音近御屏
歲歲大酺恩例溥自慙虛薄仰皇局

贈相者陳士廉

我游都邑已三年無畧匡時待罪愆有問試從陳子決
取徵還似客師賢客師表
天綱子紛紛半是墻間客高下能公
吏部銓兩眼羨渠明似鏡月評從此索心先

為遼人劉信甫慶八秩之詩

素髮酡顏八十春，豹韜還是總戎孫。
兩都喬木清光老，滿座春風笑語溫。
膝下盡歡衣有綵，人間無似壽為尊。
須知善積餘嘉慶，三世何妨是將門。

同馬才卿暇日登昊天寺寶嚴塔有懷

高標直上跨蒼穹，物外方知象教雄。
九陌市聲開曉色，兩都喬木動秋風。
遙憐漢馬屯湘渚，安得長書附去鴻。
寂歷邛墟野烟外，誰家簾幙夕陽紅。

寄贈德長老

先府君無恙時嘗話河內德上人者系出貴族享年
最高行業極精嚴予以懷衛相望每思以披觀為快
迄未能也近弟誠甫至自野王云德僧臘已丑今年
百有一歲起居飲啖健若五六十人或問何術臻此
答云無有但休閒心無所用耳性嗜杖所依歸杖特
有瑰異者平生樂從賢士大夫遊無衲子氣象予聞
而喜之豈墨名而儒行者耶以韓文公有文暢登觀

之作因書近體律詩簡寄西堂為他年林下一段閒
公案也

一條拄杖老龍鱗扶掖西堂百歲春方寸已明老佛果
典刑還是定年人笑拈貝葉隨僧供未省緇衣化洛塵
我識阿師中所得溪光山色乃心身

至元己巳八月一日偕馬才卿游聖安寺

滿馬京塵壓市喧捨鞍步入給孤園金鐺響泛松風冷
寶月光凝瑞象尊法觀交纏雙井開雨花別是一乾坤

布金不是苞桑計空抱危言吐復吞

謂讀明昌間郝侯
覺竹溪蔡無可等

碑

閒院書懷簡胡員外應奉

束縛長纓領簿曹十年從事獨賢勞
癡床坐久疑禪榻老木風嚴瀉怒濤
行路總誇驄馬貴炬蓮何似玉堂高
一彈未就陽城草虛負秋空白錦毛

奉送大丞相史公行臺河南時用兵襄陽

封衛國公

以平章政事副呼喇珠駙馬督視諸軍時至

元六年八月也

無勞繞帳插生犀威德江淮草木知唐室正詔裴出將
楚人休倚漢為池聘通上國非無補節駐長洲果爾為
三百年來常例在忍令矛槊舞嬰兒

寄陳按察慶甫

秋天寥落使星明光動山東百二城三本有書天下計
一樽為約故人情九江虎渡非無術

山東吏人聞公至
往往投劾告去故

云漢節輪埋浪有聲老我簿書三萬卷幾時燒尾看雷

車輶

跋王內翰與木菴唱酬詩軸

木菴詩筆唐文暢

一作老而妍

心印多從吏部傳豹管一窺

連璧句月牕慵展碧雲篇風流豈落明昌後真率當隨靖節肩留取人間作遺像鬢絲禪偈話它年

追挽歸潛劉先生

我自髭髥屢拜公執經親為發顓蒙道從伊洛傳心學
文擅韓歐振古風四海南山青未了一丘洹水出無窮

泣然不為山陽笛老屋吟看落月空

繼張相言懷二首

山人蹤跡愧搜羅欲負虬松學隱和散木分甘遺匠石
薦章誰擬動常何畫義活計青鳬少曉鏡功名白髮多
好笑住京王御史一官羈滯半年過

獸思深處鳥虞羅人自人徒貴體和物有盛衰宜辨早
氣從舒慘奈時何眼前逕路黃門迅鏡裏功名白髮多
不盡一杯澆硯磊茶煙禪榻儘經過

和韻一作是傳
虬松學隱和

至元辛未冬仲廿四日夜五鼓夢衛南郊行夢
中得領聯兩句既覺為足成之

春烟樓觀照堤沙夢裡郊行日未斜幾片雲陰無俗態
滿川桑柘有人家微茫仙境雙鳬客依約春風一月華
興適正濃還喚覺一聲雞唱喝簷牙

跋梁斗南先生無盡藏手軸

昇平豪富林泉主白髮歸來一幅巾世與士安籌國計
誰云開府是辭臣江頭宮殿千門閣物外雲烟萬古春

休向諸郎訪遺事青山依舊是比鄰

叔良西歸秦中感而賦此

倦客京師半載過翻成西去奈秋何
翳房燈影裁清夜渭水春風已白波
三虎自疑終致釋五噫從此不須歌
終南山色昭陵樹剩看新詩醉兩坡

一作樂遊原上昭陵恨不暇新詩醉

雨坡

寄李和甫見未央瓦硯

好在終南李鍊師未央瓦硯寄何時
卧聞客舍三秋雨

夢繞畫欄雙桂枝孤月正堪遮老眼片言聊復慰相思
研磨縱對峨眉秀中有漁陽萬馬馳

至元辛未秋八月廿八日同長老金燈義方暨

馮君用聶丈超劉敬臣王仲通馬才卿壽

之座主賈君叔良會飲于開泰之丈室約各
賦詩道盍簪之歡因為賦此

陟殿秋煙老檜蒼春風合座捲吟觴爭傾底裏心能見
不悵歌呼興更長風調縱輸韋杜曲新詩驚絕碧雲湯

人生無似新知樂安得車輪一夜方

壽圖克坦待制

至元八年九月十四日

淨盡紛華道義尊立朝今復見經綸
論文最厚先君契提誨尤深賤子
身世仰仲淹風雅在見來元亮性情
真一杯滿意得秋菊照映靈椿看玉
麟

菊嘆

細菊言傳笑靨金結根失所最關心
鶴欺力弱時來啄草為藪荒日並侵
寶檻移栽容獨秀秋香吟撚伴孤斟

朝來頓覺精神好似喜淵明為賞音

送臺掾趙明叔赴濟南迎侍母氏來燕

寤寐庭闈遠事承南陔詩裏二毛生
悠悠望眼門廬月
戀戀春暉孝子情
千里秋風吹去馱
一天融樂美歸程

三升紅腐殘年恨
老淚縱橫滿仲纓

一作零落悲風滿泊纓

壽房祖

至元八年九月三日

山立揚休七尺身
接人襟度玉能溫
慶流淇水宗支近
惠洽諸房德義尊
扶健不煩鳩刻杖
承顏幸備綵衣孫

一枝留在霜前菊，細撚清香入壽樽。

送李尚書仲實叅知北京行省

遼左要荒節制偏，選材真得濟時賢。
拊循殊俗尤宜簡，調餉東兵貴有權。
軫慮可寬天北闕，先聲應徹海東邊。
顧慙知己謾馳嚮，望入秋空鴈影翩。

壽紹開外郎

十月十四日

襟期出處不多偏，秀孕輸君六月先。
以義取交知己最，開談通俗見才全。
已將國計籌邊算，會見嘉謨沃帝淵。

相對莫嗟頭共白
歲寒心在老彌堅

繼商樞相

襟期一見若同袍
束縛微官笑獨勞
方寸證明皆佛果
大千起滅總浮泡
馳聲絕藝君能辦
汨世天刑我欲逃
坐拂天花閱家數
凜然清興雪山高

送和之簽山東按察司事

四道山東事最繁
按巡當猛亦宜寬
丘菑併在虛危分
根窟深連魏博間
風采儘承綸命重
霜威何待栢臺寒

澄清快理征鞍去望絕崦山與歷山

餞參政楊公出鎮覃懷

十載嘉謨沃帝聰人間桃李幾春風從今民事優游裏
轉見君恩顧盼中寵節我知如李晏救時人道似姚崇
洛陽三月春如畫乘着新詩醉仰嵩

公廳堂名

送陳按察赴任山東

簡花霜落控孤應暫覲清揚俗慮澄四道規模開漢制
百城風采望陳登露盤虛警青冥鶴朔吹驚翻白錦鷹

回首相思定何處暮雲春樹漢王陵

贈羅徵君

風骨飄瀟到九還一壺天地市朝閑神游物表冲融際
道在平生出處間笑看割烹要執鼎擬將忠直動龍顏
濟時好作商霖去未礙經年別故山

孟待制駕之哀辭

我識先生二十年當時儀衛亦翩翩遺文載相聞三語
一賦垂天笑八磚幾日午風分水客一丘宿草茂陵阡

屋梁曉月驚無復四望令人一泣然

祭子襄先生

先生隱德自松丘得號牆東四十秋結駟退慚知道在
詩壇吟苦入冥搜眼中耆宿有今日地下雷元是舊游
幾卷閒書總帷底未容拈讀淚先流

寄贈總管韓君通甫暨弟居美兼簡公弼良友
都門贈別柳條青分袂南來歲屢更三載愧陪驄馬列
久違轉見故人情每憐夜榻聞風雨羨煞韋家好弟兄

蚤晚細傾燕市酒
誨堂重醉棣花榮

哭馬孟州才卿

名甫相州人

栢臺款晤儘三冬
暇日來陪御史驄
寺閣約涼憐晝永
野塘輶飲喜君同
性情遠出機張外
禍福真成倚伏中
至元乙亥瀋州同知未滿中堂見召既至以事久別已阻是年秋復除益州倅南還至邢病死壽四十
增懷抱惡與君終
訣恨何窮

哀大都督史公

名權中統初授江淮大都督

陽夏移軍入鄧封
指揮旌壘氣增雄
優居將幄元多算

威感荆蠻儘父風士樂死懷羊傳愛戰酣無大上均功
應憐千載龍驤業一慟臨江萬事空

題張府君坟丘

子僚字行甫曾
任官孫二人

龍公祠下府君墳岡勢西來虎豹蹲翠琰盛傳千事謀
青山還有讀書孫喬林氣鬱丘山重一水春涵德澤溫
白首故侯長健在際須着力大于門

姑射北仙洞予既為新道立石且會諸君子明

日大雪仲明賢良賦詩光賀因次嚴韵以答

佳貺

三年判府苦無聲，自信行藏付靜聽。
翠琰銀鈎留故事，白波青嶂繞螺亭。
一官自笑頭空白，多士相看眼倍青。
每藉新詩深慰藉，不愁歸詫草堂靈。

王衛州挽章

公諱昌齡，字顯之，滄洲人。

堂堂大厦蔽雲居，偃植圓權與藉扶。
六縣耕桑深道愛，百年魚水應時需。
望歸王儉風流幕，我識鄼侯吏隱儒。
河朔諸侯幾參佐，愛君終始擅良圖。

又

襟韻沖融器識先
晚年風節見承宣
經綸素抱調元事
綜覈長深作牧篇
寒谷暖回衰日愛
老夫悲絕劍門煙
殷勤尚憶臨岐誨
惆悵城南是別筵

哭交青州判李叔

洄溪一入乃死別
送我西行淚滿襟
四海從師有先子
半生急難是初心
泉扃不閔無兒感
壠樹空瞻挂劍林
會擬並刊遺愛碣
鄆城臺首御河深

古鄆邑在今州治
東北一十五里與

君別業相對公常云本洛之上党人五代間東徙居
衛唐將李抱貞之後既任潞州具修治其碑墓焉

別盧漢臣

男兒出處要無慚一意公家性所甘吾子有才無不可
老夫於世本無堪痛連臂骨緣心苦耳變風聲阻坐談
劍佩趨庭君好去建章宮樹綠覃覃

挽杜徵君止軒

泰岱東蟠未了青文章公獨萃精英賦方庾信才華壯
詩到樊川氣格清平日酒杯追散聖一生高節見陳情

風流想在齊梁席未讓鄒枚獨擅名


留別治中和爾揚布

四年相待情偏厚千里分攜恨若何
別駕見淹詩共惜當官能處我無多
輩流自是青雲器金印行懸瑞錦窠
調古自知終寡和青天白眼望君歌

秋澗集卷十六

謹按卷十五第二十二頁前一行和爾揚布舊作忽英甫
今改後倣此





總校官進士臣胡
校對官學正臣卜維吉

騰錄監生臣戴
璵